



Broj: 20-02-4636-1/23
Sarajevo, 07.04.2023. godine

Na osnovu člana 19. st. (1) i (2) i člana 23. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije i upravljanje kvalitetom Kantona Sarajevo donosi:

ODLUKU

(1) Nakon provedenog postupka utvrđivanja postojanja sukoba interesa za Hasanović Hamdiju, Ured za borbu protiv korupcije i upravljanje kvalitetom Kantona Sarajevo utvrdio je postojanje sukoba interesa za imenovanog, jer isti obavlja dvije javne funkcije, i to javnu funkciju vijećnika u Općini Centar Sarajevo i javnu funkciju člana Nadzornog odbora Javne ustanove „Fond Memorijala Kantona Sarajevo“, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Hasanović Hamdija da podnese ostavku ili da na drugi način odstupi sa jedne nespojive javne funkcije navedene u tački (1) ove odluke, i to u roku od 30 dana od dana prijema ove odluke, te da o istom obavijesti Ured za borbu protiv korupcije i upravljanje kvalitetom Kantona Sarajevo.

Obrazloženje

Ured za borbu protiv korupcije i upravljanje kvalitetom Kantona Sarajevo zaprimio je od strane Javne ustanove “Fond Memorijala Kantona Sarajevo“, 10.02.2023. godine, akt broj: 13-03-01-MD/4-52-6/23 od 09.02.2023. godine, u kojem se navodi da je Hasanović Hamdija aktuelni član Nadzornog odbora Javne ustanove “Fond Memorijala Kantona Sarajevo“. U prilogu navedenog akta, dostavljena je kopija Rješenja o imenovanju predsjednika i članova Nadzornog odbora Javne ustanove “Fond Memorijala Kantona Sarajevo“, broj: 02-04-40041-28.2/21 od 04.11.2021. godine.

Pored navedene javne funkcije, prema podacima kojima raspolaže Ured za borbu protiv korupcije i upravljanje kvalitetom Kantona Sarajevo, imenovani obavlja i javnu funkciju vijećnika u Općini Centar Sarajevo, što je isti naveo i u aktu od 27.01.2023. godine. Istovremeno obavljanje više od jedne javne funkcije je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno.

U cilju utvrđivanja postojanja sukoba interesa, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured za borbu protiv korupcije i upravljanje kvalitetom Kantona Sarajevo je pokrenuo i proveo postupak utvrđivanja postojanja sukoba interesa u predmetnom slučaju. Ured za borbu protiv korupcije i upravljanje kvalitetom Kantona Sarajevo je po službenoj dužnosti, Rješenjem broj: 20-02-4636/23 od 22.02.2023. godine, pokrenuo postupak utvrđivanja postojanja sukoba-interesa za Hasanović Hamdiju.

Ured za borbu protiv korupcije i upravljanje kvalitetom Kantona Sarajevo je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-02-4636-1/23 od 22.02.2023. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanog o pokrenutom postupku za utvrđivanje postojanja sukoba interesa za istog, te je zatražio pismeno izjašnjenje na navode iz ove obavijesti. U prilogu akta od 22.02.2023. godine, imenovanom je dostavljeno Rješenje broj: 20-02-4636/23 od 22.02.2023. godine.


Izjašnjenje na navode iz Obavijesti o pokretanju postupka utvrđivanja postojanja sukoba interesa i zahtjev za pismeno izjašnjenje od strane Hasanović Hamdije, Ured za borbu protiv korupcije i upravljanje kvalitetom Kantona Sarajevo nije zaprimio do dana sačinjavanja ove odluke.

Na osnovu dokumentacije kojom Ured za borbu protiv korupcije i upravljanje kvalitetom Kantona Sarajevo raspolaže, utvrđeno je da Hasanović Hamdija trenutno obavlja dvije javne funkcije, i to javnu funkciju vijećnika u Općini Centar Sarajevo i javnu funkciju člana Nadzornog odbora Javne ustanove „Fond Memorijala Kantona Sarajevo“, što predstavlja povredu člana 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno, i samim tim imenovani je u sukobu interesa.

Shodno navedenom, Ured za borbu protiv korupcije i upravljanje kvalitetom Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

Pouka o pravnom lijeku: Ova odluka je konačna i protiv iste nosilac javnih funkcija može pokrenuti upravni spor.



Dostaviti:

- ① Hasanović Hamdija (
2. Za objavu na internet stranici Ureda za borbu protiv korupcije i upravljanje kvalitetom Kantona Sarajevo,
3. a/a.